


Txirritola

ARAMAIO / Eguena / 2004ko martxoaren 18a / 101. zenbakia

KOORDINATZAILEA: Ubane Madera • Otorala Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

M14 / HAUTESKUNDEAK

PP izan da galtzaile nagusia aurtengo hauteskundeetan; EAJ eta EA, gora



Ezuste barikoa izan zen hauteskunde eguna Aramaion.

U.M.

Inguruko herrietan moduan, Aramaion ere gora egin dute EAJ eta EA alderdiek, orain dela lau urteko datuekin konparatuta. Horrekin batera, aipatu beharra dago Bergarako ekimenaren aldeko boto kopuru polita lortu zutela, baita Aralarrek ere.

Ezuste barik joan zen hauteskunde eguna Aramaion. Betiko moduan, San Martin Eskolako bi mahaietan eman zuten botoa herritarrek. Hain zuzen ere, %22,33ko abstentzioa izan zen Aramaion (1.227 lagunetakoa errol-datik, 274 abstenitu ziren).

Mahaiak 20:00etan itxi zituzten, eta botoen kontaketa arazo barik egin zuten. Udaleko Idazkariak kontatu digunez, 23:00etarako, Kongresurako botoen zenbaketa bukatuta zuten. Jakina, Senaturako botoen kontaktak

luzeago jo zuen, bozkatzeko modua desberdina izan zen-eta.


EMAITZAK BEGIRATUTA

Emaitzei begiratuta, berriz, Aramaion gainerako herrietan izan zen joera berria nagusitu zen: alderdi nazionalistek gora egin zuten, baita ezker aldekoek ere, eta PP izan zen galtzaile bakarra.

Datuen artean, aipatzekoak dira, adibidez, PSE-EEK igoera nabarmena izan zuela, eta Ezker Batuak bikoiztu egin zuela boto kopurua. Ezker abertzaleari dago-kionez, kontuan hartuta legez

Inguruko herrietan izan den joera bera izan da Aramaion ere: PPK beherakada nabarmena izan du

UDAL HAUTESKUNDEAK



kanpoko alderdia dela, emaitza esanguratsuak lortu zituen Bergarako ekimenaren aldeko taldeak: ia %17. Hirugarren indarra izango litzateke. Bestalde, aipagarria da Aralar aurreneko aldiz aurkeztu dela eta ez duela batera emaitza txarrik lortu: botoen %9,7. Bukatzeko, PPK nabarmen egin zuen behera: botoen %5,5etik, botoen %2ra.

SALAKETA ETA GAITZESPENA

Aipatutako emaitzetan igartzen da Madrilen izandako atentatuak eta horrekin lotuta Madrilgo gober-

Aipatzekoa da ezker aldeko alderdiek bototan igoera nabarmena izan dutela

nuak egindako gestioak eragina izan dutela hauteskundeetan. Horren harira, joan den astelehenan, hilak 15, premia osoko bilkura egin zuen udalbatzarrek. Zinegotzi guztien artean idatzi bat adostu zuten. Horren arabera, Aramaio Udalak Madrilgo atentatua gaitzetsi egiten du eta elkartasuna adierazten die sufrizten dabiltzanei. Era berean, Madrilgo gobernutik izandako informazio falta salatzen dute. Eta Iruñean gertatutako heriotza bortitza ere gaitzetsi zuten. Ekintza negargarria izan zela adierazi zuten.

Asteleheneko batzarrean Madrilgo atentatua eta Iruñeko heriotza gaitzetsi zituzten

LABUR

Datorren astean aurrekontua aztertuko dute

Datorren egunean, hilak 25 osoko bilkura izango da udal letxean. Gai dezente dituzte lantzeko; tartean, 2004ko aurrekontuak onartzeko proposamena aztertu beharko dute. Horren harira, oraingo astean ibili dira aurrekontuaren gaineko azkeneko xehetasunak zehazten. Horrez gainera, Tolosako Manu Azkarate preso politikoa dela eta bi mozio aztertu beharko dituzte zinegotziek; bata hAMALau taldeak aurkeztutakoa eta bestea udalbatzarrek berak aurkeztutakoa. Horrekin batera, hAMALau taldeak Udalak ezarritako prezio eta tasa igoerarekin lotuta alegazio bat aurkeztuko du, besteak beste. Batzarrak 18:00etan hasiko da.

Aramaioko Udalak emandako pare bat ohar

Herritarrei jakinarazteko pare bat ohar helarazi dizkigu oraingo astean Aramaio Udalak Batetik, eta udaletxeko lanak direla-eta, jakinarazten dituen Correosko postontzia leku aldatu dutela. Orain, lehenengo hiltegiaren atean ipiniko dute. Bestetik, zaborrak sailkatzea galdararik jaso ez duen oraindik ere badu lortzeko aukera. Udaletxera joatea berterik ez dauka, eta ez du bertan Udalak emandako postontzi eraman behar.

Gesalibar auzoan erre bat moztuta egongo da

Gaur, martxoak 18, eta astelehenan, martxoak 22, Aramaio Udalak Gesalibar auzoan erre bat moztuta egongo da. Kontua da batzuk egiten dabiltzala. San Juan de Dios ospitaleko errekin batean. Hain zuzen ere erreia itxita dagoen bitartean txandaka bideratuko dute autoen joan-etorria.

TELEFONO JAKINGARRIAK

OSASUNA / LARRIALDIK	
Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiaiko Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren arabera zerbitzua eskaintzen dute.

Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara:

629 54 59 23

OHARRAK

BAÑERAKOEN PARTIDUAK

Madrilen gertatutako atentatua zela-eta, joan den asteburuan bertan behera utzi zituzten jokatu beharreko partiduak. Eta oraingo aste bukaera ezohikoa denez, ez dute partidurik jokatu.

HIRU EGUNEZ, COPPOLA

Gaur, eguena, hasi eta zapatuta arte, Francis Ford Coppola zuzendariaren *El Padrino* trilogia emango dute kultura etxean. 22:30ean hasiko dira emanaldiak.

DOMEKAKO ZINEMA

Domekan, Disneyren marrazki bizidunak emango dituzte: *El Rey León III*.

BERTSOZALE GAZTEAREN GAUA

Etzi, zapatuta, Arabako Bertsozale Gaztearen Gaura ospatuko dute Gasteizko Aldabe gizarte etxean. 22:00etan hasiko da, bertso trama batekin. Besteak beste, Manex Agirrek eta Andere Arriolabengoak parte hartuko dute. Gero, 23:00etan bertso tribial erraldoia izango da eta 24:00etan, bertso zahar eta kantuen ekitaldia.

Aramaioko Gazte Asanbladak antolatuko ditu jaiak

UBANE MADERA

Aramaioko 50 bat gaztek elkartu eta talde bat eratu dute: Aramaioko Gazte Asanblada. Hasteko, herriko jaiak antolatzeko ardura hartu dute. Baina bestelako ekimenak ere egingo dituzte. Azken batean, helburua da koadrilen arteko harremana sendotzea.

Orain arte Jai batzordeak egin duen lana hemendik aurrera Aramaioko Gazte Asanbladak (AGAk) egingo du. Hala jakinarazi digu orain dela gutxi sortu den talde horretako kide batek. Esandakoaren arabera, oraingo astean bertan aurkeztu behar diote Udalari jaietako kontzertuetarako zeintzuk diren gazteen proposamenak. Izan ere, lehenbailehen egin beharra dute hori, ekarri nahi dituzten taldeak lortu ahal izateko.

BESTELAKO EKIMENAK

Era berean, jaietako gainerako ekimenak ere Aramaioko Gazte Asanbladak antolatuko ditu: txarangak, umeendako jolasak... Oraingo astean Udalarekin izan-


dako batzarrean zehaztu behar zuten hori guztia. Baita bestelakoak ere; adibidez, AGAk lokala eskatu behar zion Aramaioko Udalari batzarrak-eta egiteko, orain arte kultura etxean eta Bañera parkean ibili dira-eta.

HELBURUAK

Aramaioko gazte dezentek egin du bat elkarte berriarekin: 14 urtetik aurrerako 50 bat gaztek. Dagoeneko badute herriko jaiak antolatzeko lana, baina bestelako helburuak ere baditu AGAk. Hain zuzen ere, herriko koadrilen arteko harremanak sendotu gura dituzte, eta horretarako ekimen bereziak antolatuko dituzte: mendira irteerak, ikastaroak...

GAZTE EGUNA

Bestalde, gazte jendearen kontuekin segituz, herriko zenbait musikariek Gazte Eguna antolatu dute aurreneko aldiz. Oro har, herriko eta inguruko gazteei zuzendutako eguna izatea nahi dute. Aurreratu digutenez, bertso-saioa, trikitaliak, eta inguruko zenbait taldeekin kontzertuak hitzartuta dituzte. Eguna ere zehaztu dute: apirilaren 16a.



Manex Agirre eta Iker Agirre barikuan Anboton egindako saioan.

Andere Arriolabengoa aurrera bertsolari txapelketan

UBANE MADERA

Joan den zapatuko kanporaketan, Andere Arriolabengoa bigarren geratu zen. Horrek esan nahi du finalurrekora pasatuko dela. Hain zuzen ere, finalerdi hori Aramaion jokatu dute, martxoaren 27an. Bestalde, Iker Agirre seigarrena izan zen.

Bederatzi bertsolariaren arteko lehia izan zen zapatukoa. Eta Andere Arriolabengoa irabazleak baino puntu bat gutxiago

eskuratu zuen: 119,5. Iker Agirre, berriz, seigarren izan zen 101,5 punturekin. Gauzak horrela, Andere Arriolabengoa bi finalerdietako batean parte hartuko du: martxoaren 27an, Aramaion. Hurrengo finalerdia apirilaren 3an izango da, Laudion. Han, Manex Agirrek parte hartuko du.

BARIKUKO EKITALDIA


Bestalde, joan den barikuan bertsolari gazteek saioa egin zuten Anboto tabernan. Tartean, Manex Agirrek eta Iker Agirrek parte hartu zuten.

BOTEPRONTOAN/ Joxe Oruna · Lorezaina

“Jendeak kasu larregi egiten die landareei, eta landareak bakean utzi behar dira, neurritz zaindu”

Oraingo astean Zuhaitz Eguena ospatuko dute Aramaion. Hori horrela, geuk ere natura kontuak izango ditugu berba-gai elkarrizketaren tartean. Aramaioko lorezain Joxe Orunarekin izan gara horretarako:

Noiztik lorezain? Zer dela eta? 1989an hasi nintzen. Basoan lanean nenbilen eta halako batean lagun bat etorri zen. Zera esan zidan: “Joxe, ¿quieres trabajar?”. Eta neuk: “Ba bai, zertan?”. Eta hark: “Es de jardinero”. Eta neuk zera ulertu nion: “Dejar dinero”; hortaz, galdetu nion: “Zer da hori? Negozio bat-edo?...”. (Barre). Hala hasi nintzen lorezain, Arrasaten. Santa Agedan ere ibili naiz ospitaleetan lorategiak egiten eta kooperatiban (Gargartzan, San Andresen...). Zazpi urtean ibili nintzen. Gero hemen hasi nintzen. Arrasaten sei urte egin nituenerako aspertuta nengoen, beti egin behar zen lan bera; ez zegoen aldatzeko aukerarik. Hala, Aramaiokoei esan nien noizbait lana izanez gero, esateko. Eta langile bat joan zitzaizenean, deitu egin zidaten. Zazpi urte daramatzat. **Zer zaintzen duzu Aramaion?** Lorategiak. Kaleko lorategiak eta auzo guztietako kanposan-



“Globalizazioaren eta negozioaren eraginez, kanpoko landare asko sartu ditugu hemen”

tuak. Elizaurreak ere txukuntzen ditut. Esan beharra dago Aramaion gura adina lan dagoela. Orain, adibidez, belarra mozten hasiko naiz, eta maiatzetik aurrera hilerio ia bi bider moztu beharra dago. Hortaz, buelta guztia bukatu orduko, berriro ere hasi behar. Gero, ureztatu, landareak aldatu... Horren harira, azken urtean aldatu egin dut landare-sistema. Negurako landare batzuk eta udarako beste batzuk ipini beharrean, kentzen eta botatzen ez ibiltzeko, erabaki nuen aldatu behar ez diren landare batzuk ipintzea: landare bizikorrak. Lauzpabost urte-edo irauten dute. Iaz ipini nituen, ea ba, zela irteten den esperientzia. Batzuk galduko dira baina... **Zuhaitz Egunak eta halakoek erakusten diete zerbait gazteei?** Nik uste dut baietz. Nik neuk badaukat esperientzia herrian,

eta gazteekin hezitzaile moduan ibili behar izaten dut askotan. Oraingo mutikoei pentsatzen dute guztia dela jai-jai; San Mamesen baleude moduan ibiltzen dira parkean futboleak. Urtero ibiltzen naiz errietan. Eta txarrenak euren gurasoak izaten dira; umeen ondoan egoten dira eta ez dute ezer esaten. Ez dago errespeturik, oro har. Era berean, umei kontuz ibiltzeko esplikatu gero, batzuek kasu egiten dute.

Horrenbeste lore ezagututa, zein da zuretako lorerik politena?

Uf! Mordoa daude... Bat esatearren: arrosa oso polita da, batez ere bariatate handia dagoelako. Ehunka mota dago. Horien artean, bikoitzak dira niretako politagoak. Hortentsiak ere oso politak dira.

Gure bizimodu azkarrerako zein lore gomendatuko zenuke?

Ia denak. Zailenak gardeniak eta azaleak dira. Bestela, jendeak kasu larregi egiten die landareei. Landareak bakean utzi behar dira. Urtero apur bat kimatu eta loreak igartzen zaizkienean, orduan kendu; landareei lana errazteaz gainera, landareek lore gehiago botako dituzte. Eta lurra siku dagoenean bota behar da ura.

“Esperimentuen arabera, Beethovenekin landareak gehiago hazten dira”